<sup>15. ,,</sup>Hi enim dei victoriae caussa exercitus ducem optant, e Sivae ,,potentia oriundum: atque hic, qui Brahmanibus et Angis munitus ani,mum suum in summum numen directum tenet, tuis solius sagittarum ,,ictibus moveri potest.

<sup>16. ,,</sup>Ei, qui animum coercet, castam Himálayae filiam gratam red-,,dere studeto; inter mulieres illa sola apta terra est, in quam Sivae se-,,men spargatur: ita a Brahmane statutum est.

<sup>17. &</sup>quot;Montiumque principis filia patris iussu Sivae, in montis planitie "sese crucianti, famulatur: ita comperi ex Apsarasum ore, quarum ca"terva tanquam exploratoribus utor.

<sup>18. &</sup>quot;Quare abi ad rem perficiendam, perage deorum negotium: haec "res, quae per aliam rem absolvenda est, te tanquam ultimam caussam "exspectat, ut grani culmus, antequam progerminat, desiderat aquam.

<sup>19. ,,</sup>Contra hunc Sivam, qui diis victoriam comparare potest, tua fortasse ,,arma valent, quare tu negotium iam peractum habes: nam opus, quod a ne-,,mine alio peragi potest, etiamsi nondum perfectum est, viris gloriam affert.